

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqut imaattoq saqqummiuppara:

Ukiuni 2010-mi, 2011-mi, 2012-milu ataatsimut isigalugu nunatsinni suliffiit ikiliartorsimappat imaluunniit amerliartorsimappat?

(Karl Lyberth, Siumut)

Tungavilersuut:

Ukiuni kingullerni tusartuartarparput nunatsinni suliffissaaleqisut amerliartortut. Nalunaarutigineqanngisaannartorli tassaavoq ataatsimut isigalugu nunatsinni suliffiit amerliartor-nersut imaluunniit ikiliartor-nersut. Taamaammat neriuppunga apeqqummut pineqartumut Naalak-kersuisut erseqqissumik akissuteqarsinnaasut.

Erseqqissaatigissavara pisortat paasissutissiisutaat assigiinngitsut, soorlu Naatsorsueqqissaartarfimmi paasissutissat, misissoralarlugit erseqqissumik paasisinnaasimannginnakku nunatsinni illoqarfinni nunaqarfinnilu katillugit suliffiit ukiuni kingullerni amerliartor-nersut imaluunniit ikiliartor-nersut.

Apeqquteqaatimma ullut suliffiusut qulit iluanni akineqareersimanissaat kissaatigaara.